



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1562 usque ad annum 1563

**Fleury, Claude**

**August. Vind. [u.a.], 1771**

**VD18 9011860X**

§. 66. Thaddæi Gaddii extrema.

---

[urn:nbn:de:hbz:466:1-66641](https://nbn-resolving.org/urn:nbn:de:hbz:466:1-66641)

Sæcul. XVI.  
A.C. 1562.

tanta animi mansuetudine, bonitate, modestia, ac sapientia, ut vulgo *bonus Rupertus* nominaretur: cum autem de ejus obitu falsus Romæ rumor spargeretur, Lotharingus Cardinalis, qui ibi tum agebat, reservationis diplomate fretus ad Metensem Ecclesiam rediit, quam tamen mox Francisco Belcaro Franciæ Historico cessit: vix autem Lenoncurtius Cardinalis rem gestam compererat, cum illico suum Episcopatum Anno Christi millesimo quingentesimo quinquagesimo tertio ultro dimitteret, atque ad suum charitatis ad Ligerim Prioratum secederet, ubi etiam die vigesima secunda Februarii Anno a Christi Nativitate millesimo quingentesimo sexagesimo secundo obiit, ibidemque sepultus fuit, nec tamen desunt, qui illum Metis mortuum, atque in Sacello a se constructo terræ mandatum fuisse scribant.

## §. LXVI.

*Thaddæi Gadii Cardinalis mors.*

*Ciacon.*  
*pag. 854.*

Alios adhuc tres Cardinales Ecclesia hoc anno amiserat, quos interpretus erat Thaddæus Gadius patria Florentinus Aloysii Patritii Florentini Filius, & Nepos alterius Cardinalis nomine Nicolai, qui ineunte anno Salvatoris nostri millesimo quingentesimo quin-

quinquagesimo secundo obiit. Thad-  
 dæus Mense Septembri Anno post Chri-  
 stum natum millesimo quingentesimo  
 decimo nono primam lucem aspexit,  
 ac primis juventutis suæ annis Patavii  
 jurisprudentiæ operam navavit, cum  
 vero vix decimum sextum ætatis suæ  
 annum emensus esset, cedente Patruo  
 suo in Apulia Abbas ad Sanctum Leo-  
 nardum nominatus est: aliquos tamen  
 post annos a Paulo III. ad Cosentini Ar-  
 chiepiscopatus regimen assumptus, ean-  
 dem Ecclesiam in titulum accepit, post-  
 quam vigesimum septimum ætatis suæ  
 annum attigerat. Denique Mense Mar-  
 tio Anno Incarnationis Dominicæ mil-  
 lesimo quingentesimo quinquagesimo  
 septimo a Paulo IV. Cardinalis titulo  
 S. Sylvestri creatus est, hacque digni-  
 tate clarus interfuit comitiis, in quibus  
 Pius IV. Pontifex renuntiabatur. Obiit  
 in sua Abbazia ad Sanctum Leonardum  
 in Apulia Mense Januario hoc anno Do-  
 mini millesimo quingentesimo sexagesi-  
 mo secundo, seu juxta alios sexagesimo  
 primo, Mense Decembri: porro corpus  
 ejus Florentiam translatum, in Eccle-  
 sia Sanctæ Mariæ Novellæ Ordinis Fra-  
 trum Prædicatorum sepultum est in  
 Majorum suorum monumento, ubi Ni-  
 colaus Gaddius ejusdem Nepos magni-  
 ficum exstrui curabat Mausolæum Anno

Sæcul. XVI.  
 A. C. 1562.

Sæcul. XVI. Christi millesimo quingentesimo septua-  
 gesimo septimo; ceterum Thaddæus  
 nonnisi quadraginta, & unum annum  
 cum undecim mensibus vixerat.

## §. LXVIII.

*Bartholomæus de la Cueva mortuus.*

Canon. p. 698  
 Aubery hist.  
 des Cardin.

Alter erat Bartholomæus de la Cueva natione Hispanus Francisci Fernandez Illustrissimi Ducis Alburquerfii, primariæ inter Hispanos nobilitatis viri, & Franciscæ de Toledo filius, qui die vigesima quarta Augusti Anno salutis nostræ millesimo quadringentesimo nonagesimo nono primam lucem aspexit, ac inter Majores, quibus pietas videbatur hæreditaria, omni virtutum genere a teneris excultus a Paulo III. ad Caroli V. Cæsaris preces die decima nona Decembris Anno post Virginis partum millesimo quingentesimo quadragesimo quarto Presbyter Cardinalis renuntiabatur, quando etiam Cordubensem Ecclesiam Cathedralem regendam suscepit, in qua administratione Diocesi lustrata, moribus emendatis, collapsa Ecclesiæ disciplina erecta, piis locis ædificatis, sublevatis egentium miseris ea, quæ pastoralis munus sunt, adeo implevit, ut ipsius Religio, pietas, liberalitas, prudentia, & indulgentia eniteret, ac Philippus Hispaniarum